

lutierten zinnen Kann/ daß die in warm Wasser zwey Stunde lang geseht
 werd/ nach dem die simplicia vnd ein liquor darein gethan seyn. Solch
 ein Gelegenheit haben die Extracta, so auß den Wurkeln/ Kräutern/
 Saamen vnd dergleichen gezogen vnd hingehalten werden/ ohn vermis-
 schung vieles Honigs/ vieles Zuckers vnd sonstens anders vnnützen Zusat-
 zes. Nach anleitung dieses vnsträfflichen Richtschnurs/ mag man die
 durchdringenden himmlischen Quintas Essentias vnd fünffte Wesenheit/
 mit grossem Lob vnd Nutzen menschliches Geschlechts/ auß den Metal-
 lis, auß den Marcasitis, Salibus, Lapidibus, Gemmis, auß den arden-
 tibus, auß den crescentibus, auß den comestibilibus, vnd potabilibus
 kunstreich herfür bringen vnd gefangen nehmen/ die sonst durch kein
 andere Wehr vnd Waffnen sich schlagen vnd vberwinden lassen. Nach an-
 weisung dieser Statuæ Mercurialis mögen die edlen arcana, primæ Ma-
 teriæ, Mercurii vitæ, Lapidis Philosophorum, Tincturæ vnd derglei-
 chen zubereit werden. Ich will geschweigen die trefflichen Specifica, O-
 dorifera, Purgantia, Attrahentia, Stiptica, Diaphoretica, Corrosi-
 ua, Anodyna, Narcotica vnd andere mehr/ vnder welchen der Paracelsus
 nicht wenig von den Anodynis hält/ gleich wie solches ex libro 7. Archi-
 doxorum zuschliessen/ da er also schreibt: Es seyn vns Kranckheiten bes-
 gegnet/ in denen vns alle Arcanen verliessen/ allein das Anodynum spe-
 cificum erfüllet alle Wunder. Darumb zumercken ist / daß nicht der
 schlaffen soll/ sonder die Kranckheit soll schlaffen / daß in pleno homine
 tödtlich ist/ in pleno morbo aber nützlich / &c. Ich will nicht handeln von
 den thewren hochschätzigen Magisteriis Metallorum, Gemmarum, V-
 niomum, Marcasitarum, ex pinguibus & resinosis, ex crescentibus,
 ex vino, ex sanguine vnd dergleichen/ durch welche die ganze Quantitet
 der Kräuter wirdt zu einem Magisterio, das dar nichts anders ist / denn
 ein gemachte künstliche Quinta Essentia, gleich der natürlichen / daß es
 alles bereit ist vnd gescherpfft auff's höchste vnd in all Wesen der 5. Essens:
 denn da ist alle Penetrabilitas, welche durch Zusatz / in die solche Materi
 gezogen vnd behalten werden/ præpariert vnd gemacht werden.

Ich will die köstlichen vnd herzlichen Elixiria vortbey gehen/ welche
 durch hilff der edlen vnd löblichen Kunst der Destillation/ auß ihren har-
 J ten